

ODLUKA

**O PRIHVATANJU ZADUŽENJA PO SPORAZUMU O ZAJMU IZMEĐU
BOSNE I HERCEGOVINE I ERSTE BANK DER
OESTERRECHISCHEN SPARKASSEN AG ZA REALIZACIJU
PROJEKTA „NABAVKA MEDICINSKE OPREME ZA ZDRAVSTVENE
USTANOVE U UNSKO-SANSKOM KANTONU“**

Sarajevo, oktobar 2013. godine

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na _____ sjednici održanoj _____ godine i Dom naroda Parlamenta Federacije Bosne i Hercegovine na _____ sjednici održanoj _____ godine d o n o s i

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I ERSTE BANK DER OESTERRECHISCHEN SPARKASSEN AG ZA REALIZACIJU PROJEKTA „NABAVKA MEDICINSKE OPREME ZA ZDRAVSTVENE USTANOVE U UNSKO-SANSKOM KANTONU“

I

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu između Erste Bank der oesterrechischen Sparkassen AG i Bosne i Hercegovine (u daljem tekstu: BiH) u iznosu od 6.491.563,00 EUR-a za realizaciju Projekta "Nabavka medicinske opreme za zdravstvene ustanove u Unsko-Sanskom kantonu"

II

Sredstva zajma iz tačke I ove Odluke koristit će se za realizaciju Projekta "Nabavka medicinske opreme za zdravstvene ustanove u Unsko-Sanskom kantonu" koji podrazumijeva nabavku savremene medicinske opreme za Kantonalnu bolnicu „Dr. Irfan Ljubijankić“ Bihać, Opću bolnicu sanski Most i ZU Lječilište „Gata“ Bihać.

III

Sredstva zajma iz tačke I ove Odluke, odobravaju se Federaciji pod sljedećim uslovima:

- iznos zajma.....6.491.563,00 EUR-a
- rok otplate.....15,5 godina
- grace period.....5,5 godina
- kamatna stopa.....0,00 %
- otplata.....20 polugodišnjih rata u jednakim otplatama glavnice
- troškovi marže OeKB-a..... 1,1 %
(podržano grantom Ministarstva finansija Austrije u iznosu od 745.312,58 EUR- a)
- jednokratna naknada za upravljanje na ukupni iznos zajma0,35 %
- troškovi za neiskorištena sredstva.....0,30 % godišnje
(u toku perioda povlačenja sredstava)

IV

Potvrđuje se da je razmatrana dokumentacija prihvatljiva za Federaciju, a posebno:

- Zapisnik sa pregovora,
- Nacrt Sporazuma o zajmu između Erste Bank der oesterrechischen Sparkassen AG i BiH
- Nacrt supsidijarnog ugovora između BiH i Federacije BiH

V.

Sredstva zajma iz tačke I ove Odluke Federacija će na kreditnom osnovu prenijeti na Unsko-Sanski kanton, koja je krajnji korisnik i dužnik po zajmu.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI

Zadužuje se Federalno ministarstvo finansija-Federalno ministarstvo financija da sa Unsko-Sanskim kantomom usaglasi i sklopi odgovarajući Podugovor o zajmu kojim će, u svrhu redovne otplate, definirati uslove vraćanja sredstava koja se prenose na kreditnom osnovu.

VII

Daje se saglasnost za zaključivanje Supsidijarnog sporazuma između BiH i Federacije, Podugovora o zajmu između Federacije i Unsko-Sanskog kantona za sredstva iz tačke I ove Odluke.

Za potpisivanje Supsidijarnog sporazuma i Podugovora o zajmu, ovlašćuje se federalni ministar finansija - federalni ministar financija.

VIII

Za realizaciju ove Odluke i izvještavanje zadužuju se Federalno ministarstvo finansija - Federalno ministarstvo financija, Federalno ministarstvo zdravstva i Unsko-Sanski kanton, svako u okviru svoje nadležnosti.

IX

Implementacija Sporazuma iz tačke I ove Odluke ne zahtijeva donošenje novih ili izmjenu postojećih zakona.

X

Ova Odluka stupa na snagu narednog dana od dana objavljivanja u "Službenim novinama Federacije BiH".

O B R A Z L O Ž E N J E

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrtu kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Donošenjem ove Odluke stvara se osnov za potpisivanje Supsidijarnog sporazuma između BiH i Federacije Bosne i Hercegovine, a zatim će Federacija BiH sredstva zajma dalje proslijediti Unsko-Sanskom kantonu kao krajnjem dužniku i korisniku zajma Projekta "Nabavka medicinske opreme za zdravstvene ustanove u Unsko-Sanskom kantonu

Sredstva zajma namijenjena su za realizaciju Projekta "Nabavka medicinske opreme za zdravstvene ustanove u Unsko-Sanskom kantonu" koji podrazumijeva nabavku savremene medicinske opreme za sljedeće zdravstvene ustanove:

- Kantonalnu bolnicu „Dr. Irfan Ljubijankić“ Bihać;
- Opću bolnicu sanski Most;
- ZU Lječilište „Gata“ Bihać.

Obrazloženje pojedinih tačaka

Tačka I je nužna kako bi se prihvatio zajam koji se realizira putem Erste Bank der oesterreichischen Sparkassen AG.

Tačkom II potvrđuje se namjena utroška sredstava zajma.

Tačkom III precizirani su uslovi zajma.

Tačkom IV potvrđuje se da je dokumentacija parafirana tokom pregovora sa Erste Bank der oesterreichischen Sparkassen AG prihvatljiva za Federaciju BiH, što je uslov da Bosna i Hercegovina i Erste Bank der oesterreichischen Sparkassen AG pristupe potpisivanju Sporazuma o zajmu.

Tačkom V se definira način implementacije Projekta, te da nije potrebno osigurati dodatna sredstva u Budžetu Federacije za ovu namjenu.

Tačkom VI se definira obaveza Federalnog ministarstva finansija-Federalnog ministarstva financija da sa Unsko-Sanskim kantomom usaglasi i sklopi odgovarajući Podugovor o zajmu.

Tačkom VII daje se saglasnost za zaključivanje Supsidijarnog sporazuma o zajmu sa Bosnom i Hercegovinom, Podugovora o zajmu između Federacije sa Unsko-Sanskim kantomom i ovlaštenje federalnom ministru finansija - federalnom ministru financija da u ime Federacije potpiše iste.

Tačkom VIII, u okvirima nadležnosti, definira se obaveza za realizaciju Odluke i izvještavanje.

Tačkom IX se potvrđuje da za implementaciju Sporazuma o zajmu nije potrebno donijeti nove ili izmijeniti postojeće zakone.

Tačka X propisuje stupanje na snagu ove Odluke.